

## मुंघ जोक्खा एदना

(खोखा तरा खोल नगेडा सड्डा लगी आलर पाडा बे वा लगनर एडपा नू । पच्चो-पचगिर गहि पाडना अरा ओंडडका ऊंखका ती कछनखरना मेंदेरआली । फुलो तड्डियो एडपा नू उवकी र:ई, पिटरी एस्साली । असन हेके एडपा ता तंग सङ्गे हों र:ई आद चलकी एस्सा लगी)

फुलो तड्डियो - अन धयो ! ने गुत्ता एन्ने खेल डमुवा खरखी का ! पाही वरचका रऽनय का मदैत एड्डका रऽनय ?

धयो - हन्नी, पुनिया गहि कंक अतखा जेका !

फुलो तड्डियो - हई ! पाही एड्डका रऽनय !

धयो - सन्नी कोहा नेगचर पाही मंजा मन्ति !

फुलो तड्डियो - हारे ! मला-मला जुनु वऽआ लगियर केन्दहोर ?

धयो - हन्नी धयो, लोटाअम्म नू पढहा पंच गने डली ढिवा ही कत्था बीरी किचरी दव मल चिआगे गच्छरर अरा खोंगसो-फिता हों मला खने जुनु मला-मला वऽआलगियर । कलय तो १००० रु० ढिवा चिऽआगे गच्छरर खने ती उर्मी वंच्चां ।

फुलो तड्डियो - हा-रे कलौ ! दव किचरी मल चिच्चर का फिता-खोंगसो मल चिच्चर अंगे मल पइत्तारा । ओनलोडिम ढिवा चिच्चर खने वंच्चा । हा-रे अक्कु परियाता कत्था ! दव-दव अत्तना-पुंदुरना अर ढिवा-कचन एकला एरनय । उल्ला कालो का मल कालो अदिन गा मल एरनय । अत्तना-पुंदुरना ढिवा-कचा गहि लुभही ईदऊ एकअम बंडिया लण्डिस गुसन हों बीसिरओर पहे का एन्देर का !

धयो - अक्कुता आलाएन का खदाएन हों एन्देर वऽओय अयंग-बंगारन गा खदयदिम सिखावअनय, दव-दव अत्तना-पुंदुरना,

चलेम-चलेम मन्ना दरा असन-इसन वेगर मेनम कुदका  
एकला गा अखनय अक्कुता खदय, मुन्धभारे तम्है एकासे  
कालो अदिन गा बुभुरअम पोलनय ।

फुलो तङ्गियो - हायरे, अयंग-वंग गहि बेवूभ तुरुम जुनु एङ्ग  
एन्ने मंजा । हाय, नन्ना नेकआ गेम होन्ने अम्बन मन  
खदय हों एंगहै बेसे बेलुरिया अम्बनय मन्नय नेकआ ।  
वल्लुती अम्बनय एलेचनय नेकआ ।

(वहरी पाड़नर बेचनर - एंडों सेयानिर सरखआ लगन) फुल

फुलो तङ्गियो - (चींखी) ओहरे, हूदिम गा एङ्गन जे नन्ना  
नन्जा ।

धयो - धयो, अम्बव चींखय, एन्देर ननोय ।

फुलो तङ्गियो - हू भरा-अरखी दरा हू नलना-तोकना नुम  
एंगहै एरना तुरु कुके खदय गहि कपड़े नेखय-नेखय खुलुरई  
ढेर कुके खदय गहि वगड़ारई । मलता एङ्गहै गा हू  
अरखी तुरुम वगड़ारा । हूद मल रहचका होले इन्ना एङ्ग  
ससाइत मला मनो पहें । मल मेनाल्दी एन्देर वअनय । फुल

“भरा तङ्गियो बोथा तङ्गियो चाली-वली समांधी जोडतय”  
एन मनिम वःएन धयो, का एंवदा गूटी कुड़खय भरा-अरखी  
महवा उइयोर नम्है वेंज्जरऊ कुक्को-कुकेर गे देव मला भतो  
भरा-अरखी गहि महवा तङ्गहै अड्डा नू रःई एकसन् धर्म  
आलय गहि जोकखा उइरई । जोकखा एस्सरा, भरा-अरखी  
महवा केरा । ईद धर्म अरा पचवालय गने कुड़खय गहि  
महवा गे रहचा अक्कुगा कुड़खय ई महवन कुड़ा मौखा लगन  
अयंग-वंग गा अन्नेम उंबखनय दरा पाड़नय बेचनय अत्तरा ओ  
खदय एरनय अखनय दरा तम्है एन्ने मदहे खोड़हा जुदम कमनय  
एन्ने मन्नय अदि गहि अयंग-वंग गे फहम दिम मल रःई । अक्कु  
खदयन मल ईरदी, एकसन खेल, डमुवा खरखो असन ऊ  
का माखा अडसोरिम । अयंग-वङ्गन सुसुरआना भेसेरओ  
कले-कले ताम हों ओन्नय । नूखुर नूखुर ओण्ड एरनय सु

नुडआ पौलनय दरा फुटम तम्है खोड़हा कमनय । अत्तरा अयंग-  
बंग तंग समदो-समधी गने भरा-अरखिन वई नुम तुन्दुर नखर-  
नाती एकासे मल ऊंखोर अरा मल वनना कत्था एकासे मल  
वनओ । अक्कुगा कुक्को-कुके राजी रओर अन्नु हों ईद मलदव  
तली मल खुस रओर होलेगा ईद मलदव गा ननीदिम ।

धयो - मानिम वऽदी धयो का भरा-अरखी ओन्नाती समदो-समधी  
गहि बेखुसिन हो खुसी कमई । कुक्को-कुके गहि गा एन्ने  
मनी दिम ।

फुलो तङ्गियो - एङ्गहै कपड़े नुम एन्ने टूडरकी रःई धयो ।  
लोटाअम्म अउला, कलय तो ऊंखका वऊड़हो ती कलहा लग्गा  
नखरर दरा लटई पाहि नू सोट्टा-वल्लुन हों ईरकी रःएन ।  
ओण्डुर ऊंखयर होले कत्थन जितावओरिम । अदिन इन्ना  
जुनु एन अखआ लगेन पहें अक्कु अर्वा नखरना कटिक अम्बरा  
अरा टोंगए-वल्लु मल एदनय ।

धयो - अनय धयो, नीन गा अयंग-बंग का कुक्को-कुके गहि गुनहन  
तिगकी मुंदा एन गा एन्ने नलख नू अगुवस ही हों गुनहन एरेन ।

फुलो तङ्गियो - वआ गे गा ठौकम वऽदी । पहें धयो, एङ्गहै  
पाली नू गा अगुवा अयंग-बंग ही दिम रहचा खत्तय ने हों अगुवा  
मला मंज्जय ।

धयो - निङ्गा तखले, अयंग-बंग करनेम होन्ने सस्ती मना लगी पहें  
हारे, एन ओरोत एंड्रिन ईरकी रःएन का आरगे अगुवय तरती-  
किम खत्तय गहि उज्जना वगड़ारकी रःई ।

फुलो तङ्गियो - अगुवा मन्ना कोहा नलख तली । अगुवस वेस  
आलस होले गा कोड़ेदिम मुंदा आस भरा-अरखी नू मूलखका  
रअस होलेगा आस नगद अड्डा नू कहियो अगुवा मल मनोस  
आस एकसन भरा-अरखी खवखरई असानिम अगुवा मनोस अरा  
आलाएन बभा वओस । दव कुकेर एन्ने अगुवय ती एन्ने अड्डा  
नू बइभरय होले वेंजेरका खोखा आर गहि उज्जना वगड़ारई,

अवंगेम उर्मी वेंजेरउ कुकेर गहि उज्जना-विज्जना अगुवय  
मइय्यम मनी ।

धयो - अगुवय इदिन ओखो बुभुरनय ।

फुलो तङ्गियो - एका-एका अगुवय कुकेर गहि उज्जनन वगडआनय  
चिअनय, एन्देर उन्दुल धर्म होत्रे मलदव अगुवय ती लेकखा-  
जोक्खा नलख मल होओ ।

धयो - अरा कुडखय नू गा बेगर अगुवा गहि वेंज्जा पाहि मनम मला  
मनी । डंडी नू हों मल भिन्दी

डण्डी - "हयरे अगुवा हयरे अगुवा  
नेखय गुसन बीसोय अगुवा  
चीरो चिलपी, पोकोल किचरी, मैना जूडौ  
आसिम गुसन बीसोय अगुवा ।

धयो - ओहरे, अगुवस मइय्यम उर्मी उज्जना गहि असरा ।

फुलो तङ्गियो - मानिम वऽदी, पहें अगुवस चीरो चिलपी पोकोल  
किचरी एन्दरन वऽदस अरा बुभुरऊर हों एन्दरन बुभुरनय ।  
डंडी गा तङ्गहै अड्डा नू कोडेम रऽई । एङ्गहै कपडे नू पोकोल  
किचरी गुट्ठी उर्मी खक्खरा मुंदा आद पोकोल किचरी मल  
रहचा । इत्रा गा कवसी किचरी हों मल जुडरआ लगी ।  
नमागे, चीरो चिलपी पोकोल किचरी तुरु दव चडल-चकुड  
अरा नगद उज्जना-विज्जनन बुभुरना अजगुत चाड रऽई । एत्रे  
कुकेर गे मनी होले अगुवस बेस अगुवस । एत गा इदीनिम  
उर्मी बुभुरएन ।

धयो - हई, चीरो चिलपी पोकोल किचरी इदातो दव उज्जना-  
विज्जना गहि अड्डा वऽदी, नमहै कुडखय हुदिन बुभुरनय नेकआ  
होलेम अगुवय कुक्को-कुकेर गहि उज्जना-विज्जनन् दव कमआ-  
ओङ्गोर ।

फुलो तङ्गियो - ए-नगा धयो नेकन जुनु दोसओन । इन्नेला मल  
इरदी । कुक्को-कुकेर लूर कुडिया कानय । लूर कुडिया ती

फुरनारअर कोहा लूर कुड़िया कानय । कोहा लूर कुड़िया ती  
उड़ियारअर राजी-राजी कुदा लगनय । ने ने गा नगद सुर्तआ  
लगनय अरा उज्जना-विज्जना नू अयंग राजी का एड़पा-पली  
खतरी दव नलख नना लगनय मुंदा कोड़हेगा एरोय लूर धरचका  
आलय अड़िया मनखा लेखआ अईड़ारका कुदनय । आरिन  
एरा-एरा पदाता दर पड़हा कुक्को-कुकेर वऊड़ारआ लगनय,  
अयंग-बंगन गा भुंसड़ी लेखा हों मल बुभुरनय । तम्है राजी,  
तम्है खुशी लेखा एकनय । ताम तामिम पइत्तार नखरनय  
अरा जूड़ी-पाँति मन्नय कानय । पइत्तार नखरना गा कोड़ेदिम,  
मुंदा, कुक्कोस कुकेन का कुके कुक्कोसिन दव चइल गहि रअनन  
अकख नखरअोर दरा पइतार नखरअोर होले मला बेस मनो ।

**धयो -** अक्कुन ता खदय, अयंग-बंग गहि दाबे नू मलिकय धयो ।  
एन गा बुभुरएन का नम्है कुड़ख राजी अक्कु तुंडक राजी मन्ना  
गहि डहरे नू एकाली । धर्म, ऐन्ने अम्बन मनन । एराय तो ?  
एवदा वग्गे लूर खकखनय अवंदम विड़दो एकनय । कोड़े गा  
कुकेरिन एरोय । आर कोहा नुकरी ननागे ओरे नंज्जर होले  
कुड़खारिन मल बेंज्जेरनय । अल्लु-जल्लु आलयनिम वग्गे  
पइत्तारनय दरा सेब्वानुम बेंज्जेरका मेतय गुसन हों हुड़रनय  
कानय । मुक्कयदिम गा राजी का एड़पन उइयू कमऊ हिकनय ।  
आरिम वग्गे लूर धरच-धरच ननतरा बेंड़ारअोर होले नम्है  
कुड़ख राजीन मेतय एकला बछावआ पोल्लोर । नमागे नम्है  
खेंसन निमन उइना अकय चाड़ र:ई ।

**तुलो तङ्गियो -** हई, खल-उखड़ीन हों कुड़खय अक्कु बुड़ावअने  
काला लगनय । पदा तरा गा भरा-अरखी ती खल्लन चिआ  
लगनय । एका तरा भरा-अरखी गे कर्जा पंइचा ती । सहर  
तरा गा वंधा नंज्ज-नंज्ज बंडियय वच्चा होआ लगनय । अइन  
कानून गा तंरहै अड़ानू र:ई से र:ई दिम नमागे अदि लेखा खल्ल-  
उखड़ी गहि उखवय कुड़खय नू मेतय मन्नय मुंदा राजी गहि  
कलौ, लूर खकखर कुकेर नुकरी नन्नय दरा नन्नय गने बेंज्जेरनय